

22.07.2022.

Protocol number: 001/2022

Thirrje publike për Vlerësues të Ndikimit të Organizatave të Shoqërisë Civile në Shqipëri
Numër Reference: NO 005 AL/2022-1

Sfondi i Përgjithshëm

Projekti SMART Balkans shpall Thirrjen Publike për Vlerësues të Ndikimit, të cilët do të jenë përgjegjës për: vlerësimin e thellë të ndikimit të organizatave që aplikojnë për grante, vëzhgimin e rëndësisë dhe rolit që këto organizata kanë në shoqëri, si dhe rezultatet e aktiviteteve të tyre.

Centar za promociju civilnog društva (CPCD), në partneritet me Qendrën për Kërkim dhe Politikëbërje (CRPM) nga Maqedonia e Veriut dhe Institutin për Demokraci dhe Ndërmjetësim (IDM) nga Shqipëria, po zbaton projektin *SMART Balkans – Shoqëria Civile për vlera të përbashkëta në Ballkanin Perëndimor*, i cili kontribuon në forcimin e demokracive pjesëmarrëse dhe integrimin euroatlantik të rajonit të Ballkanit Perëndimor. Projekti synon të krijojë një bazë të fortë për zhvillim të qëndrueshëm në Shqipëri, Bosnjë dhe Hercegovinë, Kosovë, Mal të Zi, Maqedoninë e Veriut dhe Serbi. Disa nga temat e këtij projekti janë lufta kundër krimit të organizuar, parandalimi i radikalizimit (përfshirë ekstremizmin e dhunshëm), pajtimi përmes dialogut ndërkulturor, reformat në integrimin euroatlantik, të drejtat e njeriut, barazia gjinore (përfshirë dhunën në familje), mbështetje për lirinë e fjalës dhe mediat e pavarura. Projekti financohet nga Ministria e Punëve të Jashtme të Mbretërisë së Norvegjisë, me një grant prej mbi 17 milionë euro.

Fokusi i Projektit SMART Balkans është shpërndarja e më shumë se 450 granteve (Grante Themelore, Grante për Media, Iniciativa Lokale, Skena Kreative, Ndërhyrje Kombëtare, Grante Rajonale, Grante Ad Hoc) dhe rritja e kapaciteteve të OSHC-ve, grupeve mediatike dhe qytetarëve, të gjitha të lidhura me dy fushat tematike të projektit: siguria, stabiliteti dhe mirëqeverisja, me aspekt të fortë bashkëpunimi rajonal.

Grantet Themelore (Core Grants), të shoqëruara me programe të rritjes të kapaciteteve të përshtatura sipas nevojave, do t'u mundësojnë organizatave të shoqërisë civile (OSHC-ve) të përmirësojnë kapacitetin e tyre organizativ dhe do t'i nxisë ato të rifokusojnë qëllimin e tyre strategjik në misionin e tyre kryesor. Kjo qasje i çliron OSHC-të nga presionet e krijuara nga financimi afatshkurtër i projekteve dhe fokusimi në prioritetet e donatorëve. Granti Themelor (Core Grant) është i dedikuar për OSHC-të që kanë një ndikim të rëndësishëm në fushën e sigurisë, stabilitetit dhe mirëqeverisjes, si dhe kanë potencial për ndikim edhe më të madh.

Për secilin vend (Shqipëri, Bosnjë dhe Hercegovinë, Kosovë, Mal të Zi, Maqedoni të Veriut dhe Serbi) do të krijohet një grupi i vlerësuesve të ndikimit, i cili do të përbëhet nga të paktën 3 vlerësues.

Vlerësuesit do të bëjnë vlerësimin e ndikimit të organizatave duke përdorur metoda të ndryshme të mbledhjes dhe analizës së të dhënave, bazuar në metodologjinë e zhvilluar nga projekti, i cili përfshin edhe kryerjen e vizitave në terren tek organizatat e vlerësuara dhe palët e interesit.

Objektivat dhe Rezultatet e Pritshme

Qëllimi i kësaj Thirrjeje Publike është krijimi i grupeve të vlerësuesve të ndikimit, të cilët do të mbështesin proceset e vendimmarrjes së menaxhimit të granteve për aplikantët të granteve themelore nga Shqipëria.

Në projekt, planifikohet të publikohen 2 thirrje publike për aplikime për **Grante Themelore** (Core Grants), më konkretisht në qershor 2022. dhe 2023.

Vlerësuesit e ndikimit që do të angazhohen për vlerësim, do të përdorin Mjetin e Vlerësimit të Kapacitetit të Organizatave të Shoqërisë Civile (CSO CAT), si një mjet vlerësimi sistematik dhe i lehtë për t'u përdorur dhe që mund të ofrojë një pasqyrë cilësore dhe sasiore të burimeve të brendshme administrative, financiare, njerëzore, mobilizimit të qytetarëve, marrëdhëniet me publikun, kapacitetet menaxhuese dhe aspektet e sigurisë së organizatave. Për më tepër, ky mjet siguron një pasqyrë të rolit dhe llojit të organizatës në përputhje me programet kryesore, projektet, aktivitetet dhe rezultatet e arritura në 5 vitet e fundit.

Bazuar në vlerësimin fillestar të kapaciteteve të përfituesve potencial të granteve, vlerësuesit e ndikimit do të përdorin burimet e të dhënave për të bërë një analizë të thjeshtë të sektorit të OSHC-ve në mënyrë që të masin më pas progresin ose ndikimin që do të kenë programet e ngritjes së kapaciteteve dhe Grantet Themelore (Core Grants) në zhvillimin e organizatës, si dhe ndikimin e tyre në komunitet, rëndësinë për shoqërinë dhe potencialin për rritje.

Raporti i Vlerësimit të Ndikimit do të përqëndrohet tek përfituesit e Granteve Themelore (Core Grants), për të cilët projekti do të krijojë ndryshime pozitive dhe afatgjata, edhe nëse organizatat përballen me kufizime burimesh gjatë menaxhimit të projekteve.

Qëllimi i Punës

Vlerësuesit e ndikimit do të trajnohen në mënyrë që të sigurohet kuptueshmëria e njejtë e përdorimit të mjetit CSO CAT.

Stafi i projektit do të caktojë një ose më shumë vlerësues të ndikimit për të bërë një vlerësim të ndikimit të organizatës bazuar në mjetin CSO CAT. Vlerësuesit do të bëjnë vlerësimin e ndikimit duke përdorur metoda të ndryshme të mbledhjes dhe analizës së të dhënave, por thelbësore do të jetë një vizitë në terren tek organizata dhe palët e saj të interesit.

Vlerësimi i ndikimit do të jetë një nga hapat e procesit të përzgjedhjes së organizatave që do të fitojnë Grante Themelore (Core Grants).

Kodi i Sjelljes

Vlerësuesit e ndikimit do të kryejnë detyrat e tyre në mënyrë të drejtë dhe të paanshme, duke iu përmbajtur rregullave për paanshmërinë, konfidencialitetin dhe parandalimin e konfliktit të interesit. Vlerësuesit e ndikimit duhet të pranojnë dhe respektojnë deklaratën e paanshmërisë dhe

konfidencialitetit, e cila nënshkruhet përpara fillimit të vlerësimit. Nëse një vlerësues beson se mund të ketë një situatë konflikti interesi në lidhje me një ose më shumë aplikantë, ai duhet të informojë menjëherë autoritetin kontraktor. Gjithashtu, kërkohet konfidencialitet i rreptë nga vlerësuesi i përfshirë në zbatimin e kësaj kontrate, veçanërisht në vlerësimet e aplikimeve individuale.

Mbështetja e kërkuar

Kontraktori do të sigurojë që vlerësuesit e ndikimit të jenë të mbështetur nga ana administrative në mënyrën e duhur, si dhe të kenë akses në informacionin përkatës dhe dokumentet e aplikimit të organizatave, në mënyrë që të kryejnë me sukses detyrat e tyre.

Dispozita e kërkuar për përkthim (nëse raportet e vlerësimit do të bëhen në anglisht ose në gjuhë të tjera zyrtare në vendet e SMART Balkans), si dhe mbështetja teknike apo pajisjet (kompjuter, printer, internet) që kërkohen për angazhimin e vlerësimit janë përgjegjësi e vlerësuesit të ndikimit të angazhuar.

Profili i vlerësuesit:

Aplikanti i suksesshëm për Vlerësimin e Ndikimit duhet:

- Veprojë në kapacitetin e tij të plotë;
- Të ketë të paktën një diplomë BA/BSc;
- Të ketë njohuri dhe ekspertizë në përputhje me qëllimin e angazhimit dhe detyrat e përshkruara në termat e references;
- Të ketë përvojë pune të përshtatshme, prej të paktën tre vjetësh në çështjet metodologjike dhe/ose ngritjen e kapaciteteve të OSHC-ve;
- Të ketë përvojë në pjesëmarrjen aktive dhe angazhimin në projekte, në fusha të tilla si siguria, mirëqeverisja dhe menaxhimi i politikave;
- Preferohet të ketë përvoja të mëparshme si vlerësues, ose ekspert monitorimi dhe vlerësimi. Përvoja, aftësitë dhe kompetencat përkatëse do të dokumentohen në Formularin e Aplikimit bashkëngjitur (Shtojca 2);
- Të ketë kapacitete të dëshmuara për të kryer punën e vlerësuesve, të tilla si aftësi të mira analitike, aftësi të mira në shkrim e raportim;
- Përvoja dhe njohja e mirë në proceset dhe procedurat e menaxhimit të granteve dhe zhvillimin e OSHC-ve do të konsiderohet si një avantazh;
- Vlerësuesit duhet të kenë përdorim profesional të gjuhës zyrtare të vendit ku aplikojnë (të folurit, të shkruarit, të kuptuarit).

Përzgjedhja e Vlerësuesve:

Aplikimet për Vlerësues të Ndikimit do të shqyrtohen menjëherë pas marrjes së aplikimit dhe do të përfundojë me afatin e fundit për dorëzimin e aplikimeve më 22 gusht 2022. Kandidatët e përzgjedhur do të ftohen për intervista dhe testim. Trajnimi i parë përgatitor do të organizohet në periudhën prej 29.08. deri më 09.09.2022. Në përputhje me planin për publikimin e thirrjeve për aplikime për grante,

Raundi i parë i angazhimit të vlerësuesve të ndikimit është planifikuar të ndodhë në shtator 2022 për vlerësimin e aplikimeve të organizatave për grante themelore (core grants).

Vlerësuesit e ndikimit nuk mund të kenë ndonjë konflikt interesi apo shfaqje të tillë në lidhje me organizatat, aplikimet e të cilave janë në vlerësim dhe në proces vlerësimi.

Pas nënshkrimit të kontratës së shërbimit dhe Deklaratës së Konfliktit të Interesit, vlerësuesi i ndikimit do t'u caktohet aplikuesve specifike për të cilët ai/ajo do të përgatisë një raport vlerësimi.

Si të aplikoni:

Kjo thirrje është e hapur për të gjithë shtetasit rezidentë në 6 vendet e përfshira në projektin SMART Balkans: Shqipëria, Bosnja dhe Hercegovina, Kosova, Mali i Zi, Maqedonia e Veriut dhe Serbia.

Aplikimet për grupin e vlerësuesve të ndikimit duhet të dorëzohen me email në adresën grants3@smartbalkansproject.org, dhe duhet të përmbajë dokumentet e mëposhtme:

- Formulari i Aplikimit (Shtojca 1)
- CV
- Deklaratë Integriteti (Aneksi 2)
- Dokumente të tjera që verifikojnë fushën e ekspertizës dhe specifikojnë kualifikimet e aplikantëve

Kjo thirrje është e hapur deri më 22.08.2022.

Aplikimet duhet të dërgohen me një shënim në SUBJEKTIN e e-mailit: Aplikimi NO 005 AL/2022-1 (emri i aplikantit). Në email duhet të citoni emrat e dokumenteve të dorëzuara dhe dokumentet duhet të emërtohen në të njëjtën mënyrë siç janë listuar në këtë seksion. Të gjitha dokumentet që përmbajnë nënshkrime duhet të dorëzohen në formatin PDF.

Madhësia maksimale e emailit mund të jetë 10 MB. Në rast se dokumentet e bashkangjitura janë më të mëdha se 10 MB, dërgoni dokumentet në disa emaile, dhe në subjektin e e-mailit shkruani: në e-mailin e parë Aplikim, NO 005 AL/2022-1. (emri i aplikantit) x / #, në vend të shenjës "x" vendosni numrin serial të e-mailit, dhe në vend të shenjës "#" shkruani numrin total të e-maileve që do të dërgoni. Në trupin e postës elektronike, jepni një listë me numra të të gjitha dokumenteve të bashkangjitura në atë e-mail.

Përpara angazhimit, vlerësuesve të ndikimit do t'u kërkohet të dorëzojnë një Certifikatë të Dëshmisë së Penalitetit.

Duke dorëzuar aplikimin e tyre, të gjithë aplikantët bien dakord që aplikimet e tyre të ruhen për 36 muajt e ardhshëm dhe se ata mund të kontaktohen nga partnerët e konsorciumit nëse është e nevojshme.

Vetëm kandidatët e përzgjedhur do të kontaktohen.

Tarifat dhe pagesat:

Tarifa për Vlerësuesin e Ndikimit, e llogaritur për raportin e vlerësimit (përfshirë kohën e seancës përgatitore online, raportin individual të vlerësimit të aplikantit të Grantit Themelor (Core Grant), pjesëmarrjen në takimet në distancë, mbështetjen me raporte feedback-u për aplikantët e pasuksesshëm) është 750 EUR bruto (subjekt i zbritjes tatimore përkatëse) dhe do të paguhet në bazë të numrit të raporteve të vlerësimit, rregullisht dhe në kohë brenda afatit kohor të rënë dakord paraprakisht. Kjo shumë përfshin edhe kostot e një vizite në terren në organizatën për të cilën është bërë raporti i vlerësimit.

Në disa raste të veçanta, aplikantët e Granteve Themelore mund të kërkojnë më shumë kohë. Në këto raste ekspertët do të njoftohen me shkrim kur të kontaktohen për një detyrë vlerësimi.

Mbrojtja e të dhënave:

Të dhënat personale të cilat janë dorëzuar për qëllimin e aplikimit në Thirrjen për Vlerësues të Ndikimit (emrat, adresat e emailit, etj.) do të ruhen nga Instituti për Demokraci dhe Ndërmjetësim me qëllim të përpunimit të aplikimeve, për të vlerësuar përshtatshmërinë e vlerësuesit dhe për t'i kontraktuar ata në lidhje me detyrat e mundshme për thirrjet publike, ose t'i njoftojë ata për mundësitë e ardhshme të ngjashme me rolin specifik për të cilin kanë aplikuar fillimisht.

Të dhënat personale do të ruhen me kujdesin maksimal dhe në përputhje me standardet për mbrojtjen e të dhënave. Aplikantët mund të kërkojnë në çdo kohë të shohin të dhënat personale që mbahen në lidhje me ta dhe të kërkojnë fshirjen e tyre.

Dokumenta shtesë:

Shtojca 1 – Formulari i aplikimit NO 005 AL/2022-1

Shtojca 2 – Deklarata e Integritetit NO 005 AL/2022-1